

SEMINAR PENGURUSAN KEWANGAN KELUARGA & PERIBADI OLEH BANK NEGARA MALAYSIA ANJURAN BERSAMA PUSAT PERAKAUNAN & JABATAN PENDAFTAR

Satu sesi Seminar yang bertajuk Pengurusan Kewangan Keluarga & Peribadi yang di sampaikan oleh wakil Bank Negara Malaysia baru-baru ini telah berlangsung di Galeri, Bangunan Canselor, UMS pada 13 Ogos 2007. Seminar tersebut adalah anjuran bersama Pusat Perakaunan dan Jabatan Pendaftar sebagai satu usaha untuk memberi maklumat dan kesedaran peri penting mempunyai kemahiran dalam mengurus kewangan keluarga. Justeru melalui seminar sebegini akan dapat memberi pendidikan khususnya kepada warga UMS sendiri memahami fungsi pengurusan kewangan keluarga. Seramai 150 orang peserta menghadiri seminar tersebut yang turut dirasmikan oleh Naib Canselor, Prof. Datuk Dr. Mohd Noh Dalimin. Majlis turut dihadiri oleh Pengarah Pusat Perakaunan, Prof. Madya Dr. Noorhayati Mansur yang mengucapkan terima kasih atas kerjasama yang diberikan oleh Bank Negara Malaysia bagi menjayakan program tersebut.